

始修族譜序

盖观家谱一书，其体近於史，而其发仁慈之思，崇敦睦之谊，备劝惩之规，则较史为简约而易晓，夫史授受有图，而谱则次昭穆矣。史年代有考，而谱则别世系矣，史事物有纪，而谱则述言行矣，此其体非近於史恶乎。近顾史之为文，严而肃微而深核而不杂，其上及尊庐胥葛之初，其精及无人协应之理，其远及蛾子雁臣之域，而细不违昆虫草木之名，学士大夫往往叹汗牛焉，若夫某祖某宗某本嫡某支庶一展卷而仁孝之思，敦睦之谊，劝惩之规，炳匕浪匕灿然，缕具谱之修也，岂非转移风俗，鼓舞人心而扶持礼教之大闲哉，乃今之为谱者，吾惑之矣，延陵之嗣动近泰伯陇西之流輒拜元皇，犹曰同则从同也，娄而刘既馁若敖之，鬼徐而李终伤，伯翳之灵亦犹天子赐之也，独其甚者甘义父之目俨尔承讹艳假予之称，公然登溷，以故，天下之大，天下人之众，沿吴访楚，舍越求齐，探根赵魏，溯派燕韩，奔走数千里之遥，迟洄三二十年之久，费缙不算而訖无成书，即幸而成矣，诸如金紫贵人则招致之，惟恐或失，而期功之属五服之裔，卑卑弃若遗焉，推其意，将亲者疏而疏者亲，厚者薄而薄者厚，信今传后之谓何？何谱牒之为也，周必大曰：进新门则退旧望，右膏梁则左寒畯，进而右者以为荣，匕则夸，匕则必侈，退而左者以为辱，辱则怒，怒则必怨，吾观於此而恍然悟作谱之权衡矣。蕲春胡氏世胄也。考胡之先庐陵渤海雅号名贤，襄阳荆州类垂伟代安定明体用之学化，洽苏湖康侯秀松柏之姿，心传典要，此胡氏之远有所宗者也。其在於今星分郡邑，瑞毓山川，攒岫摩霄，祥挺赤城之气，层涛浴日光，翻绿宇之波，或桂殿披香竚翔鹤，禁抑芥池养甲待武龙楼，此胡氏之近有所据者也，且其为谱也，事宁真无赝，语宁质无华，意宁劝戒无好恶，书成吾见伦叙以正，享祀以时，孝友亲爱之情以摯，杂遝器竞之习以除，亦何至罗隐而叔义甫而兄而徒叹，维翰狄青之九原不复也哉，虽然程子曰：宗子无法则，朝廷无世臣；张子曰：宗法若立人，人各知来处，朝廷大有所益，诚使一族之人有大宗以领之，则人同知尊祖一族之亲，有小宗以领之，则人同知敬祢，喜相庆而可以久居於安，急相周而可以久处於危，富贵贫贱不相耀相陵而可以并跻於寢庙。吾愿胡氏之踵而行之以为天下倡矣。

康熙三十三年岁次甲戌季冬月
赐进士第奉政大夫户部员外郎
年家弟程大夏拜撰

族譜序

蕪陽胡氏世家也，世傳衍派豫章之華林豐城各邑，前後數百餘年，地多兵燹，各族姓概無譜，胡亦舊譜無存，今胡公調元作家譜，以里誼屬予為序，由調元而上得十三世，有諱宗岳者為遷蕪之始祖，而龍目山之諱俊齋者，其派分世居之嫡祖也，自俊齋暨調元而下，世有伯仲叔季累至數百人，皆以法并紀示不敢遺也，十三世而上，聞有高賢大第而系派不究，則闕而弗書示不敢誣也，予謂其善為譜是可为其鄉作譜者，式譜之道所以尊祖考，合宗族，興孝弟之義，以成敦厚之教甚重也，人之親有可窮者，有不可窮者，夫親始於高祖，窮於元孫，而復窮於總，此可窮者也，由天下之異姓以求吾之同姓。由吾族千百人之身而溯乎一人之身，愈遠而愈不忘，此不可得而窮者也，故禮不可過而名義不可墮，譜者所以存名與義者也，因其不可窮者而求之，則所以尊祖敬宗者，蓋不容於不厚矣，然孝弟根於心而教本乎，身故必孝而後可以教吾之子必弟，而後可以教吾之弟能尊吾之所自出，而後可引之於無窮，若徒存其名而不自盡其實，則彼所謂父子昆弟者且不知厚焉，況數世之遠千百人之多，指而語之曰某而祖也，某而祖之所出者也，孰從而信之，孰驅而厚之也哉，故譜者君子重之，而所以為重不在此也。胡氏以讀書起家，歷傳貴顯亦不概悉，調公素負大志，際滄桑以隱德承家，為後裔培基樹業，宗里咸重之，其清謹醇厚方正自矢，夫固以名教為任者，其家教可知也，豈獨譜然哉，然後之子孫推其所自出，幸茲譜之有存，而思所以不忘者，必自調元之作譜始。是為序。

康熙三十三年歲次甲戌季夏月 吉旦
賜進士傳臚翰林院檢討奉刺纂修明史
大清一統志充兩館纂修官前丁卯科
欽命典試貴州鄉試正主考官原翰林院庶吉士
年家生金德嘉頓首拜撰

龙目分族谱序

尝考胡氏，肇自虞舜裔孙名满者，为周陶正，武王妻以大姬，国诸陈，其子孙遂以为氏，至中叶陈敬仲奔齐，卜娶得有妣之后将育於姜之占，乃仕齐世为大夫，后又更姓田，数传及田和奄有齐国适应凤凰之占，此其分派也，而胡公之小宗未受爵土者，仍宗胡姓，苗裔繁衍历周秦迄元明十余朝，皆有显世成名者，而有宋最盛，若春秋之胡传为学者指南，苏湖之斋规，为黉宫懿范。此千秋莫可易者，顾其人远矣，且勿具论，但言其自元末明初，兄弟由期塘华林来楚，一曰宗文，一曰宗岳，文卜居蕲水之圻湖，为蕲水胡氏始祖；岳卜居蕲州之大孚冲，为蕲州胡氏始祖。文之子孙万有余人，岳之子孙亦万有余人，蕲水七分，蕲州六分，圻湖族尊以秩公修谱，特约蕲州共成一谱，欲亲者无失其亲，因州之六分居址星散，而六分中惟龙目山一支较盛，英杰辈出，人文蔚起，其最称翘楚者，则莫如调元公，为人德行既迈於众，才智又超乎群，以未得合六分共附圻湖之谱，遂聚一分长幼议曰，木枝之叶茂者由本之固，水之流派远者由源之深，人之子孙繁者由祖之培植厚，今岳祖以来十余世，祖宗失其名字数代，尚幸多可考者，此时不速立谱，将数十年后可考者亦莫可考矣。为子孙而致祖宗无传，是木忘乎本，水忘乎源，其何以为人乎。时欲创之如何？众闻之皆欣然从事。调元公乃鸠工庀材，命元思、振予、梅吉等纂定以前之祖妣名号及生卒年月坟莹山向、昭穆长幼附梓剖剞，此谱成，而前赖以传，后赖以序，有功先后匪浅，而孝慈之念亦焕若日星。洵当视若球图什袭藏之者也，岂曰眉山之苏谱，卢陵之欧谱可传，而龙目山之胡谱可不继传乎？是为序。

康熙甲戌秋仲
岁进士毕灿綱文拜手书

族譜序

吾家占籍豫章，夙与华林胡姻娅好也，匪惟望其族巨贤哲先焉，迨予叨捷南宫由尉令奉。

简莅蕪阳下车伊始，即悉搜阖郡氏族志，而胡姓弥彰靡不必忆之，曰有虞之克保子孙，历汉唐五季宋元固最，昌於华林而遍宇宙几炽矣。不然何即一蕪之胡复不减望於他氏耶，正欣然未已，忽门报有胡子元思振予伯仲过余，余遂不遑他请，即以先世渊源询，而二子备悉无讹，又知蕪阳胡实华林嫡派也，且见二子之丰神俊逸，语巽辞雍，恂乚然有旧家风，自以廊珍庙选属之，而光大前徽又安足量哉，此余承乏之初，越今十余载爱之慕之未尝一日去诸怀者也，今年秋，振予忽手授父调元所作族谱问序捧读过，因知传诸谱者固无遗法而推之，教成俗美之治亦有被焉夫，以一家而言，必有孝弟慈敬之人之为之，倡后可以齐其家而不坠，以国，与天下而言，亦必有孝弟慈敬之人端於上，后可以治国与天下而无难，是家国天下有异形而无殊理。今日之克型於家即异日之化被於国与天下者可知也。方今，朝廷加意条谕，首以仁孝治天下，沦肌浹髓虽要荒僻壤顽竖刁氓，亦得歌休荷治，矧胡氏乃古帝先贤递传之裔储，为王国佐政之才，兹谱之作宁非化始家门，准而措之诚有裕如者乎，爰乐为之弁言，因并出笥秘华林旧谱校阅，有书院记序暨列祖实录，静轩随父迁蕪始末一一采附今谱，虽曰余与蕪胡有宦治之分，而溯始华林非阿好也，盖以笃夙谊，示垂不遗也，谨序。

康熙甲戌仲秋首

赐进士第奉直大夫知蕪州事侍生

张士驷 拜书於麟山公署

合志蕪水坼湖譜序

嘗觀黃河之水千里九曲，穿龍門過積石以達於海，其始固原星宿也。人之有祖孰不若是，即我胡姓裔肇軒皇，歷唐虞夏商而再造於周，姓錫滿公，越秦漢晉唐而愈大於宋，其羅列寰區，代膺華袞而昭文明者，固蟄乚繩乚彌昌彌熾，揆厥本始仍歡，然一父之子也，迨久之親者疏矣，又久之疏者遠矣，而分疆异地系序闕焉，其相視若秦越者勢也，故古者姓氏既別，宗法乃立，遂有大宗，一小宗，四大宗者百世不遷之宗也，若其高之宗曾之宗祖之宗稱之宗，則為小宗。是以本支百世愈遠愈明，延及唐宋宗法廢置，其故家巨族倫理仍明而恩義仍篤者，賴有譜書以聯屬之也，於乎譜之不可不作也歟。獨創厥始，承厥任非得夫公慎嚴明，可為宗室儀表者，亦不能推先體後原始而要終也。乃幸祖宗蔭積，我蕪水則有叔祖以秩君，蕪州則有伯祖調元君，率皆仁孝性生慨然以修譜為急務，故文祖開坼湖七分之譜牒，賴秩君而闡述大定，岳祖衍大孚冲五分之譜牒，得元君而首倡編紀嗟乎，我文祖、岳祖兄弟齊首，由安定期塘之故里奮志渡江，采山川之勝，一家蕪水，一家蕪州，自元末以迄今代，几易甲子而支分派別苦無實據，藉非秩君於修譜始事之年大為搜遺訪失，據本求支，得荻元公引為同心，表彰丕著几何，不致兩祖之端木湮沒不傳，兩地之子孫泛常若昔哉，坼湖之譜告成於庚午之季，而龍目分之譜竣業於甲戌之秋，雖茲諸於岳祖之五分未及詳序，在元君不無未滿之志，但兵燹之後，舊譜滅失於四方，繼緒之宗促不能清紀無訛，雖欲使世系了若指掌，而出於畫一其可得乎，倘四方伯叔兄弟亦各清其服屬次第，厘舉踵事增美，俾岳祖全譜燦如日星垂茲不朽，且令兩族子孫自今後得按譜以稽，油然而孝敬生，藹然而礼让接，恍猶萬水朝宗而淵源有自吾知，伯氏之志始為大慰也夫，於乎兩地之譜皆前人欲遂未遂之志欲成難成之事，今兩君竭志殫慮以董厥成，是兩君誠可謂二難并，而予小子亦得快覩其兩美具矣，謂非幸哉。

時

康熙三十三年歲官甲戌秋八月
蕪水坼湖十三世裔孫承頊沐手敬書

族譜序

吾家出胡公滿之后，世远派别，汉唐晋宋间班班足纪，而期塘华林之胡遍天下几炽矣，而迁薪之大孚冲者则予城祖裔孙宗岳祖也。传数世，有俊斋祖卜居龙目冲，遂百世不迁焉，他如居薪水圻湖、罗田、英山、黄广太湖、蜀郡、福闽、霍邱、陆安，家世繁衍莫可纪极以，故亲疏尊卑间几无以辨，则谱之修乌可已乎，予族旧有谱原草成於高祖，竹山公曾祖少竹公，一时人文蔚起家声丕振，其视俊斋祖创乘之始更昌炽焉，若予家君大人身际其变才七岁耳，流离他乡困苦之状不堪殫述，迨逢圣朝大定，越数年始得归故里，斩荆榛绍遗业，独任艰辛百折不回，集族比居课耕课读，於衣食差给之余即建祠宇，置祭产，改水修堤，重新庐舍，俾我祖之灵爽庇人而降祥不忒，岂非公培创之力欤，而抑知大人之志犹未罄也，居恒每曰吾先人曾有事於家谱草成即阻，予敢不继述之，而甘以不孝闻时，不肖兄弟辈在侧，大人即以是命然遵而末即速成，适圻湖族尊以秩君倡修家谱，君访暨宗美宗虞诸叔兄持旧谱来家约勸其举，因道途修阻未及合叙，然予族谱予更踊跃从之，而大人亦愈加警惕，嗟已数百年之图系世远宗盛，加以兵燹荡毁次序失矣，传闻讹矣，再四审度欲系之恐误，传之恐诬，岁月迁延莫可如何，孰知大人早已成计於胸矣，复命之曰：阙疑去伪，宁质无华，宁真无贗，此古作史之法也，家之谱即国之史，推而行之自无遗亡室漏之憾，且后之子孙见其条分缕析而原情度理，又未尝不谅先世之一片苦衷也，予於是察其分派稽其实籍，由末推本从流溯源，聚族人士而共为之，若吾大人之董率、元思、德及、梅吉之编辑，以思、天申、令岩之参订，几越寒暑，爰得剞劂而告成，吁谱成，而吾大人之志不綦遂乎，即吾先世列祖之志不由兹而亦慰乎，又何疑后之子孙命名立字混然失派，亲疏尊卑间覲面莫识而紊其序也耶，至若衣冠文物从兹而愈盛，孝友姻睦由斯而益笃，绵家声於不坠，衍累世於无疆，固所愿也，相与共勉之可耳。谨序。

时

康熙三十三年岁官甲戌孟冬月
十四世裔孙世铎沐手谨撰

族谱序

吾家宗岳祖，乃江右期塘华林城祖裔，迁蕲之大同，传五世，有曰文祖焉，始居龙目山，历今数百余年，朝代几隔，独龙目胡姓一湾暨散处者，族始不改凋者复稠，恒产恒业各相世守，是岂人力所为欤，抑彼苍冥漠中默相眷顾者也，今年春家大人有作族谱命，不肖兄弟辈才拙学疏兢兢焉，懼其或堕，且亦知谱之为道原以教孝友、敦姻睦、序长幼、齐伦常、审异同，俾亲者无失，其为亲疏者无失，其为疎其端始，於家其风化，於国而准式立，则取今摹古不綦重哉，兹聚阖族人士入公堂编辑，而於世远派别概莫能究，姑阙焉，断自始居龙目文祖起世，以经之人，以纬之派，以正之系，以统之传，以志之无文无伪传信逸疑，庶几上以对吾祖，下以慰人心，左右先后间咸井然秩然，固曰大人不憚一身之精勤，以为吾家敦睦劝而亦知族大不理终非，承先裕后之所为，故祖宗之庇荫子孙者，蕃盛贤肖为最，贵显殷实次之，以其所重在礼义传家，勤俭立业，培养天和，世世永保於勿替而已，他何敢议耶，语曰莫为之前虽美弗传，莫为之后虽盛弗彰，良不诬耳，至其由岳祖居蕲分派之列祖今散处各乡矣，谱未悉志亦以踵而行之，自有其人断不致负吾大人倡作族谱一段孝思也，是为序。

康熙三十三年岁官甲戌孟冬月
十四世裔孙世遴薰沐敬书

序

造物灵秀之气，由山水而鍾，若龙目一冲乃积气之区也，盖环冲皆山，而山悉层峦耸翠，中流一水，而水且迂回九曲，春则野芳幽香，夏则佳木蓊蔚，秋月映水而浮光如金，冬雪笼树而现影若画，殆宇宙间一胜地也。昔有宋高宗南渡经此而吟骖注目久之，后遂称其山为龙目，而冲亦因之以名，州志录之甚悉，予五世祖俊斋府君创基於斯，筑室於斯，歿葬於斯，绵绵相承，明末遭流寇盘踞我乡数年，人民度刘过半，屋宇焚毁殆尽，荼蓼遍盈田畴，维时予父甫七龄耳，随祖父母流离远避。

值兴朝膺图，后仗天祖默佑，我父得归故里，旋复旧址，家渐以成，业渐以立。创规立法永足贻传，其为子孙计洵至深远矣。迨今年逾六旬，犹遑遑不倦，而殷心殷心作谱，以为世世敦睦之，先资其於谱列之整肃，家则之森严，祠墓之祥悉，系以派别传，以后先诸如种种之详且晰者，有诸名达及诸兄序传备陈其概矣，予自无庸烦赘，但不揣固陋得效翻译敢不志之，以庆斯盛举耶，谨序。

时

康熙三十三年岁官甲戌孟冬月 谷旦
十四世裔孙世学沐手敬书

家 譜 序

从来宗有法，家有譜。法以統宗，譜以紀法，故世家大族溯源窮流，莫不於譜加意焉。誠以譜也者，所關甚重而其意甚遠也。余讀史遷世家上下數千年，論次其事猶能錯落若指掌，矧一本同源，忍令生失，名死失墓，慶吊不相聞，班行不相序，甚且渙不相涉，散不相收也，本之謂何？總之弊在无譜，无譜则无征，一二世上若隔前生矣。况其遠者乎，无譜则无亲，一二世下若生異域矣，况其疏者乎，獨計古人論譜之意，无問乎遐邇，疎戚智愚、賢鈍、富貴、貧賤，莫不井然有理，秩然有序，豈其意僅為一門之丁冊已乎，僅這一家之齒錄已乎，又為后之便覽已乎，蓋欲使其孝友成風，姻睦成俗，德歸於厚也，假令同室燕秦，并門楚越，奚譜足云，家大人目擊心勞，故汲汲以作譜是務，命予兄弟輩亲历各分，遍告叔伯昆季，由末歸本，從流溯源，共成一譜，无如世遠年湮，住止散殊，兼以人心各別，未克如願，姑即自江西丰城華林溪塘瓦屑坝來薪之岳祖及各分，支分之嫡祖而約略計之，則各祖各遷同流各派，使各分之人隨而繼起焉可也，至若我分自寇氛播遷之余，其間生失名死失墓者不知凡几，虽曰班行有次，而少長几无問焉，茲為之采其大略，闕其遺忘，自曰文祖歷數世存信闕疑，嗣后從良字起派正名分序少長，宗嫡相承，遐邇疎戚靡人不收，智愚賢鈍以及富貴貧賤，金受其益，无欺无偽，家法森然，凜乎其不敢犯，确乎其不可易，縱不能比方史遷凿凿垂不朽，亦或有當於孝友姻睦之万一乎，其為后者尚当心前人之心，行前人之行，為子孝，為臣忠，飭躬勵行而各盡其分，念祖功宗德而思永其傳，則后之所為，皆今之所訓，何忝乎所為，何負乎作譜之意，是為序。

時

康熙三十三年孟冬月 谷旦
裔孫世錄謹撰

序

吾夫子尝曰：邱殷人也，而离骚亦云，帝高阳之苗裔，朕皇考曰：伯庸夫古圣哲王犹尊所自出，如此则家而谱也，又曷可少乎哉，虽然吾窃怪夫世之为谱者矣，因吴及越舍齐求楚，闻其姓之有显者相与爱之敬之，见其先之有达者相与尸之祝之，而本支密迩顾弃若遗焉，毋惑乎，卑逾尊，少凌长，贱妨贵，而孝友姻睦之风所以日衰也，若予族自胡公满肇封以来，迄今数千百年其间贤智叠出，人文蔚起，所谓勋塞天地，名炳日月，学冠古今，科第甲海内者何可胜数，然世远不具论，论其近者则宗岳公自华林迁蕲是也，卜居大孚冲，派衍繁昌，遂为蕲州始祖焉，历五世而我祖讳曰文者复析居於龙目冲，是龙目分之祖则断，自曰文祖始三百年来，宗礼义，敦诗书，孝友雍熙蜚英甚炽，其积累之深培养之厚正未有艾，何意世际沧桑烽焰凭陵典籍灰烬，旧谱散亡，匪惟列祖生前徽号，没后佳城，并著述事业泯灭无传，即今生齿渐盛，世次易紊，其何以使尊卑，定长幼，序贵贱不相凌而孝友姻睦之克敦哉甚矣，家而谱也，又曷可少乎哉，今幸叔父调元公仁孝，本自天怀德行孚於邦国总理族事，即汲汲以修谱为己任，命予小子辈共瓢厥美，予不揣迂拙谬，同弟字振予者毅然编辑，几易寒暑而告竣，慨自九世以上或稽考无实或疑信相参不敢添缀，十世以下或闻或目击或子孙现在未有不详，知祖父者生卒，必书婚娶，必书言行，必书葬所，必书前以世系列总图，使知某为子，某为孙，开卷瞭然，理其绪而分之也，后以世传序长幼，使知某也为兄，某也为弟，欢如一父之子，比其类而合之也，嗟嗟，兵燹之后，草昧初开，其罹於锋鏑者百未一生，即先人名号今所存尚不过十之一二，况先人之嘉言懿行德业文章湮没未注者不知凡几，虽曰传信不传传疑，然挂一漏万之罪余与振予不得辞其责矣，第思吾祖忠厚，貽谋其庆流应，自无疆德泽，酝酿其发祥，谅亦不凡，异日子姓云仍，文章橘皇，则所谓勋塞天地，明炳日明，学冠古今，科第甲海内者必多其人，上以黼黻皇猷，下以化型天下，皆於是谱焉以基之，岂仅余族之尊卑定，长幼序，富贵不相凌哉，而孝友姻睦之风可以齐家，即可以治国矣，今而知叔父之心亦犹夫古圣哲王尊所自出之心也，其前有功於祖先后有裨於奕叶，岂浅鲜哉。

康熙三十三年中秋后三日 谷旦

十四世裔孙从乾谨撰

序

吾族居蘄春，累数十代，衣冠颇，后先辉映而子姓日众且庶，盖竞竞有涣若鳬雁之懼矣，顾少侍严君，颜色浅不获闻，先世事即闻亦寡，所计忆窃自悲已，而读卢陵眉山二家谱益低徊三叹焉，夫世系莫考教化之媿也，伦叙不正风俗之伤也，因逖稽鲁之季臧，子叔郑之游国，伯驹宋之向华，荡乐鳞鱼，仲老寻流可以知源，睹叶可以知根，下及近世宜春印城之参错，陶唐元海之贸乱，周魏后赵之纷纭，若是者何哉，则以谱牒不讲而尊祖敬宗，睦族之道之，未明也然，则谱之修诚须臾弗可缓，而吾族人当欢欣踊跃以观成矣，古者姓有苑，官有谱，氏族有志，朝廷以是定流品，士大夫以是通婚姻甚矣，谱之重也，唐以前皆属於官，宋以后则家自为之，如欧苏所著尚矣，庸才折衷敢侈望此，惟以生其时者无使悉力以逞憾出，其后者不致贪名而自欺，以庶免乎正伦之凿，崇韬之讥，则吾向之悲且叹者，夫乃皂然，遂油源慰耳，累世相承重加缮葺是谱也，殆将与乾坤并寿而嵩岱等年矣。

时

康熙三十三年岁次甲戌仲秋月 谷旦
十四世裔孙世勋谨撰

族譜序

譽生甫六歲際，今上御極二十一年春也，側聞叔祖調元公有作譜之命，時尚童墀不知譜為何典，及請家大人示始知有益於身家，有裕於前后者，沿今近茲又十易寒暑而功始告成，爰伏而讀之，井然者其條秩然者，其序吾之前識其淵源之有自，吾之后又慶其蔚起之無疆，孰謂譜之一作不大有功於家，教而為世世子孫相為遵守者乎，且昔有盧陵之世經人緯取法，史氏之年表眉山之派聯系，屬如禮家所為宗圖，其創規立法必期於盡善者，要不過謂一譜之可傳於家即可為，凡作譜者式愈久而愈不敢越也，吾家之譜其殆參而用之，酌而行之欤，不然抑何備悉詳審有若斯耶，況譜之教以著一族之昭穆，以聯一脈之流傳也，每見世之親間疎小加大，少凌長，賤妨貴者，或亦時有逮觀譜系之森列，宗范之嚴謹而不即於雍穆之，休仁藹之域者必非人情也，是知此也，陶然比也，樂易人崇敬讓之風，身歸義禮之途，比起於家施於一國，以及於天下悉不逾乎，譜之為道，書云：惟孝友於兄弟，施於有政謂家政，即國政也，謂儲養一家之孝子順弟慈孫以為一朝之國用也，然則吾叔祖此一片之營為幾經之勞瘁，豈僅承先之有道乎，以知后之頌，祖有德宗有功，一事立而百效彰者，必不舍此而他有所歸也，說者曰譽年髫學陋何敢從諸先達父兄后而附此一言也，不知家有盛舉老幼欣欣，雖刍蕘之末亦登聖人之采，又何必問乎文也與否而不志此以慶厥成乎，是為序。

時

康熙三十三年仲秋月 谷旦
十五世裔孫崇譽謹撰

始修族譜序

元会运世一气也，高曾祖孙一身也，以一身之微上接往古下通来今，而浩气磅礴，本茂支繁，积其形躯渐至九族，九族攸分渐成千亿，苟无名以命之，数以纪之，列其长幼，别其疏戚，详统系以大其宗，永其传述，其创垂之有自不亦忍乎，此予不得不以作谱是急也，第胡氏不须远溯，虞思陈裔流传千百有餘，近自大宋间有宗岳祖自江右来薪传五世，有俊斋祖见大同龙目一冲山环水绕，龙真脉秀而关沙重重密护，堪为累世奠宅之区，遂辟土而乐所焉，厥后子姓蕃兴，三百年来衣充食足，冠裳礼乐文学之彦都，人士咸彬彬目之，旧有谱缘流氛肆害湮没无存，且一时之老嫠壮弱毙於锋镝者十之九逃避他邑，甚孑然焉。室庐焚矣，田野墟矣，兽蹄鸟迹荆生棘葦，问试以一身而不忘先世之旧业，以一人而无遗后世之沦亡，以播迁之孤介而卒反故乡俾土，有所门辟出避时才七岁耳，幼离父母之身艰苦倍尝，究不忘故里。值兴朝大定而后归来，披荆斩棘，娶妻育子增置产业，人事耶天道耶正莫之为而为，莫之致而致也，惟憾遭时不造，诗书未售而勉以教子训孙为务，据今采芹者六人，至后之蔚兴勿替，予何敢必亦赖彼苍之默相眷佑而，已第思予历数十年以来亦如一线之根苗，非厚加培护不惟幽，为我譴明，为我谪揆之，於心能无愧欤，昔司马温公有云，我生平所为无一不可告人者，此语为智者励，亦未必不为愚者醒耳，他若予之粗察，與地填塘，改水，筑治多所，充金置买五分祭产，人曰余之不憚孽孽也，而抑知余之心务，以前之所未逮，后之所可传者，勉以图之以识不朽耳，又何有於谱牒之作，不自我身目击之也哉，今幸合族一心共成是举，而木本水源之慕将未艾云。谨序。

时

康熙三十三年岁次甲戌孟冬月 谷旦
十三世裔孙士鼎谨撰

重修族譜序

先名有言曰：莫为之前虽美弗传，莫为之后虽盛弗彰，是后人固赖有前人以为矩护，前人亦赖有后人以为步趋也，况家乘所关尤钜。昔之无者不可不创而修，即昔之有者更不可不因而续，谓可苟焉而已哉，何则子姓日繁椒实云衍，历年渐远支派愈分，使不以继述，为心徒藉旧谱为名，诩诩然。曰：吾族之祖功宗德已灿然可考矣，吾族之子昭孙穆已秩然有序已噫，就目前以观，非无可据，恐派远支分已登之谱者，固昭昭而未登之，诸者终汶汶且运会，何常与其数百年下令子若孙寻坠绪之。茫茫叹，传闻之未备曷若亲者犹未失其亲，疏者犹未失其疏，因前人之创而重修之不更有以大其宗永其传，俾世世子孙相乘勿替乎，予族之旧有谱也，赖我王父调公大人创於前焉，噫！抑知我公当日创立之艰乎。年甫七龄，值兴朝定鼎，公切忧劳矢念本支不忘先绪，淳命我诸父及吾先君惟谱是图，编辑成牒不憚鳩工庀材之劳，非俗耳目所能及见者也，特年生也晚敢膺其任耳，然思年甫弱冠，於雍正癸卯科与侄心作同叨乡荐，并后游泮壁，列览书者殊不乏人，孰非吾祖若宗翼子诒孙俾尔昌而炽乎，抑孰非吾祖若宗敦本睦族积善之余庆乎，奈公车数北累蹶长安，遂尔半隐林泉无复大志，而阖族伯叔昆季谅年素行强为户长，公议攸举责不容辞，亦惟念我先人建竖宗祠，设立家规，无非冀后之子若孙相为劝戒以光大门闾耳，况谱牒重典敢不继志述事重加缮葺也哉，幸合族同心踊跃赴事，书丹授梓，勒予为督修，予思创之者既不憚其难，因之者又何敢忽其易，不揣迂拙承乏兹任。俾家乘重新於不朽固所愿也，继自今肖子贤孙读囊昔之旧谱，固叹我王父调公创之者之垂裕后昆为大有功，复观今兹之新谱亦幸我族之续之者克绍前徽为不可少，庶几孝弟之心油然而生，而蠡斯绳緝胥以善继善述为志事也。与谨序。

乾隆十九年岁次甲戌孟春月 谷旦

十五世裔孙万年谨撰

重修族譜序

族氏所自来譜牒，所由作前人之述備矣，不具論第謂譜與史同，固古今不異之說，要不無有異而同，同而異者曷為乎，異而同譜史殊名，而國家之理一也，曷為乎同而異，秉筆無私而仁義之用大也，蓋譜史之分，一以直為直，一以隱為直，以直為直者如董孤之書趙盾是也，以隱為直者如攘羊當笇天親厚一本是也，乾隆甲戌春，余堂叔仁安公督修家譜，堂叔秉猷公，族弟克容，從堂弟瀚瞻同為編輯校閱，余亦附驥，恒謂存譜與史微有區分之見，而率性用筆，不造無為有，不沒有為無，各肖其生平，各如其分量，無親疏厚薄之私見，蓋亦仿佛先曾祖，先伯叔祖之用意云耳。曾祖調元公立心忠厚，行事磊落，諸伯叔祖慕效之，於余生之前一年重修宗譜訂為成書，今已六十春矣，小有才者見世遠年湮，余之自用詎敢變易前章噫，規矩亂矣何以為承先啟后之基本哉，詩曰：不愆不忘率由舊章，亦謂舍前人無以為法耳，夫一家之崛起開創為最難，而中興與守成次之，其中興守成者，必其循規蹈矩者也，亂法之徒或亦自以為駕而上之，不已為識者所鄙，即以唐詩論，末流之褻越自以為愜意，而一經評論咸謂有初唐、中唐、晚唐之分，以明文論晚近之放溢，自許為高超，而一經細閱咸謂有成究、正嘉、隆萬、啟禎之別，起亂法者而問之當亦爽然自失，總之舊章不能移，予一切謹遵后之視今，亦猶今之視昔，是所望於繼起者歟，謹序。

時

乾隆十九年歲次甲戌一陽月
十六世裔孫心仪庠生名斌全敬撰

三修族譜序

我族家乘康熙甲戌調元公肇修，乾隆甲戌萬年公繼繕，追本溯源推之詳矣，茲不復贅，但二公咸祖蘇式，更以鐫字板為之，法非不良也，奈人丁蕃衍，費用浩繁，難以終事，調公之裔孫賢准家貧藉館為生計，教讀之暇手輯一稿，法則歐蘇兼用，壬午春祭以是稿呈於宗祠，族眾觀之，无不鼓舞稱善，僉曰譜已越年七十矣，生者不无失傳，歿者不无失考，修之不可不急也，若以活字版為之，不但減費而其觀成也易，於是合議各股自舉通达事體之士，各編各稿各自採訪，其有錯謬遺忘，各股編輯自當其咎，不干他任焉，若理興、用休、光宇、理實、世章、右范、翼龍、國順、巨川、倫樹、光廷，其中慎則、用賢之督贊，若玉恒、向榮、汝珍、敦儒、備久、德昭、若蘭、東注、可四、懷瑾、思滔之編次，啟中等算計，有度調停有章商議，族眾盡將公私之贊悉委之賢准，鳩工纂輯專理譜事，自壬午孟冬始事，越六月而告竣，蓋未為之先似乎有難為之勢，既為之后乃不數月而快觀厥成，人之力與亦祖之靈也，是為序。

道光三年歲次癸未仲春月二十四日

闔族同撰

族譜源流序

家之有譜所以奠世系辨昭穆，前代之宗緒不墜，后世之祚蔭長綿，其关系最鉅也，考胡氏系出虞裔，夏禹封舜子商均於虞城三十二世，孫閼父為周陶正，生滿，武王娶以元女大姬封之於陳，賜姓妫，謚胡公，其以謚為姓者則胡氏之所由昉也，由斯而降代，有聞人宗不遷者則必斷自有徵之祖，宋元間岳祖自江西豐城遷蘄之大孚冲遂家焉，是為蘄陽七分，始祖歷二傳，德祖生三子：長萬一，次萬二，三萬三。萬一祖生子三：長子哲居大孚冲，次天理，三天錫俱住青山鄉，萬二祖生子三：長俊齋居龍目冲，次福山，三壽山居崇居鄉，萬三祖居胡家壩，當年一、二祖五分聯宗共成大祭，後同治八年，萬三祖支下子孫捐課始得入祭，他如大孚冲之暫息居，久長山之德祖祠至今猶未艾焉，其結廬於大同鄉之龍目冲，而為謨分始祖者乃曰文祖也，曰文祖生子五：曦、暉、旺、曜、曉。曦祖遷安徽六安州，旺祖仍歸江西，其炳蔚於蘄之龍目冲，世世子孫相延勿替者則皆暉、曜、曉三祖之裔焉，自是云仍相繼，瓜瓞愈綿，傳至國朝士字派，析為十三股，水口之宗祠春秋之血食，鉅典煌煌其來旧矣，謨考前譜所注毫無遺憾，自乾隆甲戌續修，而後於茲者已七十年，其間丁男迭起，世緒秩如食旧德者，若而人服先疇者若而人魁鄉榜登仕籍者，又若而人所謂根深者，枝茂源遠者流長洵不誣耳，特非譜以聯屬之，將親疏之別，名分之殊，與夫代謝於桑梓，遠遷於他方者正恐淆然不可紀矣，嘗讀禮曰：親親故尊祖，故敬宗，敬宗故收族，又曰上治祖祢下治子孫，旁治昆弟，以此意求之譜之義，豈苟焉已哉，於斯時也，謨雖耄荒，不敢告勞偕族眾共相厥事，仿歐蘇世系珠聯繩屨，繼屨昭穆雁序，委委源源庶乎前代不失其緒，後世不失其倫，敢云遂告無罪於祖宗乎，亦藉此以盡人子人弟之心於萬一云耳，是為序。

道光三年歲次癸未孟冬月
十八世裔孫嘉謨撰

龙目分四修宗谱序

吾蕲多巨族，族各有谱，其最盛者数万人，其次万余人，又其次数千人至数百人不等，虽户口之众寡各殊，门第之显晦，人事之臧否，亦各有不同然，自得姓受氏之初，以迄支分派别之远，世系条贯不至泛然而无所纪者，则谱之力也，龙目山胡氏世籍蕲巨族也，向已辑有宗牒，家置一篇，近因兵燹，虑有散失，谋所以更而新之，乞余一言弁简端，余方读礼家居摒挡一切，不复以笔墨为事，顾辞不获已，乃为按其图记蹶然起曰，吾闻之四世而缙服之穷也，五世祖免杀姓同也，六世亲属竭矣，故古者无谱，恃宗法以联之，宗法废而谱立，然往往数传以后或同宗而视若途人者，则皆以旧牒残缺不能复修之故，今胡氏发源於周室之胡公后，盛於豫章之华林，其宗岳者则迁蕲之鼻祖也。先是谱牒废失，康熙中创始於调元，自是以来修凡数次，原原本本缕析条分，可不谓敬宗收族之善本哉，抑余闻之龙目山旧传为宋高宗南渡驻蹕地，峰峦秀削，川原平旷，林木荫翳，襟带掩映，蔚然穴目然，山水之胜甲，於吾蕲胡氏聚处其中，烟火鳞次历年数百，生齿繁滋，喜相灾相吊，以耕以读，雍雍然有古人风，岂山川灵秀之气，有以锤毓而培蓐与，抑其家法明而恩义笃，有以维繫於无穷与，吾愿胡氏子孙士食旧德，农服先畴，念前人締业之艰，貽后嗣安居之乐，则斯谱之作非徒踵事饰观，而世系昭益成其为巨族也，又不待言矣，是为序，赐进士出身。

同治壬戌元年孟夏月 谷旦

诰授奉政大夫赏戴花翎前礼部员外郎江西补用知府
年家眷弟骆敏修拜撰

四修宗譜序

嘗讀先儒默齋游氏譜，說自宗法廢壞，士君子無以致親睦之意，有譜猶能合族收渙散，是以前輩多留心焉，我族明末間流氛肆起，从前之譜牒經兵燹後殊難考西敷，迨國朝定鼎，胡氏猶能聚族於斯，但宗支嫡派漸遠漸疏，我調公心實傷之，因以修譜為急也，及是時本仁敬孝慈之衷發，而為尊祖敬宗收族之行竭力殫精，搜遺網失，凡上治祖祚，下治子孫，旁治昆弟不知凡易寒暑，至康熙甲戌而譜始告竣，游氏所謂前輩多留心者，公殆早知其微矣，第天下事莫為之前，雖美弗彰，莫為之後雖盛弗傳，始有調公修於前而妙為創，繼有仁公承於後而善為，因又數世有小萊諸公續為釐訂，先後輝映代有傳人，嘗取三次成書備閱始末，竊嘆其本本源源壘壘繩貫，愈增愈美，自時厥後越四十春秋，世遠年湮支分派別，不有譜以續之保，無生者失傳，歿者失考之慮乎，歲辛酉族眾有重修之議，而以操觚之任屬，斗斗不敏，任其事不敢辭其責，不能乃與族尊，春園、啟杰、兩宜、啟祿、賢舉、明輝、明壽、香亭、曉江、鑑渠諸先達，暨靜齋、哲夫、郁哉諸昆季互為參訂，信者仍之疑者闕之，即有一二增損者惟期字歸平允告無罪於先人也，稿成質諸族眾覺从前之世系如水之脈，循絡而分流，以後之支祧如髓之綿牽瓜而共蒂，庶調公而上不致渺若山河，萊公而下何致視猶秦越，即推之未得聯編合序者，如英山蕪水諸族亦得尊尊親親守高曾之矩矱，紹孫子之箕裘，其慎也未必果精核而典要也，族眾許可，遂序其節次，以付諸棗梨用垂不朽，斯則斗之厚幸也夫

同治元年歲次壬戌孟夏月 谷旦
調公支下裔孫光斗星亭氏謹撰

五修宗谱序

光绪丙申之冬，同乡胡氏有续修宗谱之役，稿既定，徵序於予，予族与胡氏异流而同源者也，平生稽古之下於胡氏诸前贤文章勋业仰而慕之者非一日矣，逢此盛举，既根本之相连，复里居之相望，不弃鄙陋而徵其一言，虽不文曷敢辞，按胡氏与吾族皆出自虞舜妣内，发祥重华协帝揖让而有天下，渊源远矣，至武王克商，虞阍父为周陶正武王以元女太姬娶其子胡公满，国封诸陈传至緡公失国，其世子澄避乱匿迹，远引遵祖谥而氏为胡，旧谱载之详矣，自是以继继绳绳，秦汉六朝唐宋以迄元明人文蔚起或以文学起家，或以武功发迹，炳炳麟麟照耀史册，若伯始之震於汉朝壮侯之显，於刘宋征儒之耀，於唐家皆功业灿然，可壮家声者也，第壮侯锡士於豫章，传至成祖卜居华林，藏书万卷，笃生五子曰瑄曰瑜曰琮曰珪曰球，各擅文武才列官朝，右其莅官之地，伟人代出，若文定公康侯，忠简公铨，文恭公武平，忠安公滢皆生享大名，歿邀美谥他如致堂、籍溪、茅堂、云峰、五峰诸先生皆士林尊仰百世不刊者也，本深者末茂，源远者流长，不信然欤，自五公分派子孙蕃衍，散居於各州各县，而瑜公一支长子令仪后裔迁居他邑，次子令熊生子四：长宗文，次宗岳，三宗延，四宗绂，其由华林而迁蕲州者则宗岳公一支也，他弗与焉，岳祖后五世有讳曰文者占籍龙目，其子孙登孝廉列明经，勤稼穡而事诗书，绍先猷而基后福，彬彬然吾楚之望族也，其家素有老谱，一修於康熙甲戌，再修於乾隆甲戌，三修於道光癸未，四修於同治壬戌，迄於今凡三十有五年矣，生齿益繁播迁靡定，如不续修恐其残缺失次，爰议例承旧谱而续辑，以终之阖族诸君子，诚欲舍旁而纪嫡，略疏而详亲，阙疑而传信，明世系序昭穆，世经人纬体式悉本，眉山条理秩如信可，以恢先绪而基后福矣，予与胡氏既异流而同源，复里居之咫尺，导扬盛美心窃欣之，尤愿诸君子切水源木本之思，为敬宗收族远绍妣内，孝友之风近守华林诗书之训，则安定之族永为吾蕲之望矣，敬序而列诸简端

大清光绪二十二年岁在丙申仲冬月 谷旦
癸酉科举人现任训导侯选知县陈士龙拜撰

六修宗譜叙

甲子秋龙目分之胡氏六修宗譜稿甫定，其諸耆宿長老委以弁言之役，且屬子青搜集群書而是正之，青學植荒落用是歉然，既又平來以家所藏之譜相治，而復申前命，青乃參之經傳証以百家之言，則知胡氏之先誠衣冠世族也，其尋源討流徵文考獻旧譜既該之矣，第詳其系之所自出而為得姓，受氏之由者則滋有說焉，一舜之后封於陳，其始封之君曰滿，謚胡公，歷數傳而支庶之無爵土者，因以其謚為氏蓋妣姓之遺也，自河承天巽姓苑為之說，其后林寶姓纂鄭樵氏族略皆因之，此其可証也，一春秋時有胡國歸姓也，定公十五年楚滅之，按古無氏國例，惟出疆之臣與亡國之子孫，其客於四方者率以其國為氏，如宋朝兒甲、毛遂、蔡墨之帚皆是，則孟子篇之胡龔墨子之徒，胡非子者，或其倫與杜預注左氏傳，既為世譜清代諸儒從之，厥有發明此又其可証也，然王符潜夫論叙慶姓曰樊，谷駱叙歸姓曰胡友何分注犁然，別無牽屬，則以徵胡與陳田同祖者之誣，而杜氏預之為注者良有本矣，乃王褚以來詳胡系者率推本於妣而歸弗之，及豈妣歸音近而訛耶，抑聞之黃帝之臣曰胡庸，佐黃帝有功為姓，因以為氏，証以曹祖曹安之例亦通，雖然宗法廢而譜牒興，奠世系者耳，遙遙華胄代遠無徵，而姓氏諸書帚出，自秦漢以下則其所述三代以上者詎能無附會之詞，班固徵祥於菟，揚雄毛始於伯僑，當時猶以為病，矧其迂延以至於今哉，歐陽子曰：斷自其世之可見而闕其疑，此傳記家良法也，顧胡氏善為譜者，准諸古義，既祖岳而宗曰文至，溯其遠源亦當斷自太傅廣始，太傅以上存疑焉，蓋岳公者遷薪之始祖也，曰文公者則龍目分分居之嫡祖也，而溯自太傅者俾萬殊歸於一，本庶胡氏之由南郡而安定，由安定而華林，又由華林而他徙者有所統也，按太傅歷史范書載之，甚詳其生榮死哀，漢世無比安定之，望肇於晉，華林之譽著於唐，自茲而后如湖州之教授致唐之春秋，類皆學有淵源，卓然師表，迄清定鼎并科取士，而龍目戶又實首膺，鄂薦導蕪籍之最先，由是吾鄉之士學問文章確然，知所趨向，詩曰：高山仰止，景行行止，竊於胡氏三致意焉，頃之民國改制又十餘年矣，為之前者既克昌，厥后則為之，后者之競勝於前，庸有屈乎，是又鰥生所舞忭忻歡而為之，頌禱者也。

民國十三年歲官甲子孟冬月 谷旦
后學清郡庠生李子青頓首拜撰

六修宗譜輯略序

章實齋著文史通義附有校讎一則，蓋即向歆父子部次群經之法，所以辨章學術考鏡源流者也，後之修書者遂永受其範圍而莫之能越，家乘亦國史之一小部分耳，自奠世系序昭穆外，罔弗有詮次論定之例，即莫不有群分類集之宜，尼山正樂雅頌得所豈徒然哉，今而後知輯略之關係於修書者良匪淺也，我族宗譜自調元公肇修，仁安公繼繕，爾時草創規模粗具，厥後人丁蕃衍而所牘列之章程義例亦逐漸加詳，則其分別部居，貫穿首尾而成一通者，當必有道焉，周易以乾坤始以未濟終，許氏仿著說文則始一而終，亥茲弗敢望先聖賢精意，抑安可弗察耶，且夫有一代之纂修，必有一代之因革損益，豈後人之智遽勝於前人哉，蓋時勢既殊則義理因之而異，此其大宗也，其或逞一時之精神，凭三數人之智識而因陋就簡者有之，抑或因書籍四布考核難周疏於前而詳於後者又有之，班規迂史知觸長之無窮，裴補陳書識一鬼羅之靡盡，詩曰不愆不忘率由舊章率由云者，非必銖銖而寸度之也，夫亦曰行其心之所安，抒其時之所見而已，前屆丙申之役燦華忝隨君子後勉承其乏，曾几須臾而復膺斯任，蓋云幸矣，舊譜著有凡例二十則，家規十一則，茲當民國改制，謹按其於時勢不合，而與政體相乖者則沙汰之，其有蹈簡陋之弊，疏忽之愆者，則斟酌而增唏之誤者與之，疑者闕之，仍其夏五郭公之例防其魯魚亥豕之訛，非敢擅作聰明，亦曰述舊云耳，至於編次之法老譜始詳目錄，次譜叙，次文傳，今本群書程式釐而訂之，以序文冠於簡端，以跋文要於篇末，其餘後先甲乙蟬遞相隨，或者猶存劉歆輯略之遺意於仿佛也，知言之君子尚其許我乎，後之視今亦猶今之視昔，越世而後肖子賢孫有繼志述事者閱茲譜起而正之，則予之厚望也夫。

民國十三年歲官甲子仲冬月 谷旦
燦華謹識

七修宗谱序

长江千里兮发其源，珠峰万仞兮依若基；人丁昌盛兮应思本，胡氏旺族兮当溯源。姓者，家族系统之称号也；氏者，姓之分支者也。有姓氏之标志者，先贵族后平民也。古之，或以国号为氏，或以邑名为氏，或以官职为氏，或以技艺为氏。亦以先辈之字或谥号为氏者。吾族源自周武王封满公於陈国，赐谥号胡公，则尊满公谥号为吾氏之姓也。有上海文化出版社出版的五角丛书第五辑“中国姓氏寻根”杂志之记载为证。

陈妣相传舜当天子之前，帝尧把两个女儿嫁给他，让他在妣内河边居住，他们的子孙有留在妣内河一带的。周武王灭商以后，追封前代圣王的后人，找到帝舜的后裔妣满。武王把大女儿元姬嫁给妣满，封他为陈河南淮阳侯，让他奉守帝舜的宗祀。妣满死后，谥号胡公。后又派生田氏陈氏，故史曰：胡田陈同姓也。

一家一族兮，为中华之一隅；一丁一氏兮，乃炎黄之子孙。吾氏时值政通人和，百废俱兴之际，重修家乘，是以泯灭封建意识，顺应时代潮流，讴歌社会安定，便利统计人口，追忆祖先功德，激励后人杰为其宗旨者也。考迹追宗者，向序详述焉。吾本不才，族命作序也，挚意难却，挤时阅谱，倍受感激矣。俯首承前，诚意启后，吾氏先祖，人文尉起，或以文学起家，或凭武功发迹，光耀史册，名传万里者，彼彼皆知也。满公乃尧舜嫡裔，统帅于陈，威扬海内，鬻祖为藏书世家，声震华林，德芳千纪；岳公居江右丰城，升迁蕲州，功成名奇；玉祖值官封贡士，游居黄梅，仁施德济。稍点四耆，曷不知吾氏祖祖辈辈出能人，子孙万代威名继。吾氏后生，人才辈出，群英荟萃，或立党为公，或为民请命，或著书立说，或潜心科技，或塑造灵魂，或救死扶伤，或风云体坛，或学有专绩……皆处寥廓苍天，共竞四化大业。分布之广者，言之不尽也，功绩之大者，书之不己矣。据上修墨迹也，吾氏人丁播迁十省五十县市矣。此谱仅叙岳祖七分（万一哲、理、锡，万二龙目、杨山，万三成辅、仲辉）中万二祖长子，俊斋公支下暉祖、曜祖、晓祖之分住于湖北蕲春、黄梅，安徽金寨，江西彭泽，甘肃永登等地之两千两百红丁矣。流散未叙者，举不胜举也。唯曜祖支下去陕西者亦过两万人丁也。此修经济不力，未远出奔走，寻根合序者，请前辈体谅，翼来者补之也。

饮水兮应思源，丁壮兮家谱叙。吾族者素存宗谱也。以明末岁中，流氛肆起，向吾谱牒兵灾难核之也。幸康熙岁，调元公排万难，聚族士续修於前，妙为创继。迄于今六修过矣；始修於康熙甲戌，再修于乾隆甲戌，三修於道光癸未，四修於同治壬戌，五修于光绪丙申，六修于公元甲子，至此已六十有七年矣。方今，各族修谱之风日盛，是以调元公之后裔淑璋，于戊辰仲夏携病倡议龙目分重修家谱。此举者，合族影拥也。因经济棘手，首议在蕲春刻印成四本，亦因字迹不清，

叙述过简，错落太多之由，不合众意也。尔后，几度商议，多处奔访，历时三年，只得重理谱稿赴黄梅孔垅打印是修宗谱矣。

呜呼，共成是举，合族同心，上对祖宗，下为子孙，承前启后，辉映门庭。幸矣，仰溯前辈，俯佑后生，吾氏之祖岂非为民立功，吾族之裔孰不替国争名。谨序！

公元一九九一年戊辰孟春月

潜祖支玉田士全公房世青裔孙济周撰

七修宗谱辑略

宗谱乃历代祖妣之辉煌史耳，记载过去祖先在世开基立族创造一切功名事业，子孙累世继承，永志不忘。宗谱自六修以后迄今又越六十余年矣，年久代远，生歿失载，昭穆失序，多数人懵懵然，不知祖从谁始，族从何来，将致有寻宗赵魏，索派燕韩之叹，幸有调祖裔孙淑璋深感及此，于一九八八年五月二十六日向族人提出修谱，竟是当头一棒，提醒全族子孙不知其祖也，欲知其祖，对先祖有回忆问本求源，对修谱有认识，叙派论亲窃审斯义，修谱诚为吾族当急之务，今岁七月落实修谱决议与修谱人员，兹仿照老谱规例世系不变，书类不变，略删其与时不合不需要之类。自一世至二十六世，不失一名，无名此则立名，无子此则立嗣。自远代至近代，名人一一详载，修谱为收族，胡氏之人遍天下，万一万二万三三祖约计数万余人迁徙各省各邑，此何以收宗归本？槐树仁山祖一支五修曾联叙，此次仍昌派播叙，宋家垅当公支以及安徽金寨文昌公支下朝公一支两处人丁少，既属华林系，不忍视其人丁失散，异姓相欺，亦昌派播叙以一世下推，以惟字昌派注名入谱，庶两不相欺，亦不错讹乱绪也，自是以后永叙宗族之好，共登敦本之堂。

岁届己巳时维仲冬月上垅 谷旦

晓祖支下裔孙振文氏大坤敬述

八 修 谱 序

泱泱中华，上下五千年，我们胡氏宗族，孕育其中，发展壮大其中。千载同根，一脉相承，血浓于水的宗亲播迁全球，驰名环宇，贤智叠出，人文蔚起，一展卷历历在目。皆缘于国有史，家有谱，史授受有图，而谱则别世系。

因为有国史、家谱，才知晓我们胡姓素有颛顼之族的美称。始祖满公系舜帝 34 世孙。始于周初，传 130 多代，迄今已 3126 年历史。满公下 22 世珣公为胡氏一世祖。46 世藩公为华林胡氏开基祖，66 世城公为华林胡氏一世祖，75 世岳公是蕲春胡氏一世祖，而俊斋公又是我龙目分最为垂直且最近的先祖。胡姓历代先祖为中华民族的发展壮大，作出过不可磨灭的贡献。其历史功绩与山河同在，与日月同辉，是一部光辉的历史史诗。

先辈耀华夏，后贤继祖功。当代党和国家领导人胡耀邦（珣公仲雅祖的后裔）十五岁参加革命，经历过长征。他身居要职，为官清正，刚直不阿，平反冤假错案深得人心，升迁总书记后成为一代伟人。他活着为人民尽忠，逝后为祖宗尽孝，将骨灰安放在生前战斗过和祖宗繁衍生息的地方——江西共青城。

浩公安定祖的后裔胡锦涛成为当代盛世的党、国家和军队最高领导人，被世界誉为“平民领袖”。他在 2006 年 3 月 4 日的一次讲话中提出，在社会主义社会里要树立社会主义荣辱观，即“八荣八耻”（见卷首一第 11 页）。社会主义荣辱观的提出，同样使我们胡氏家族明确了在发展社会主义市场经济条件下的基本价值取向，道德规范和行为准则，是对与社会主义经济相适应，与社会主义法律相协调，与中华民族传统美德相承接的社会主义思想道德的系统总结，是新形势下加强社会主义思想道德建设的重要指导方针。

锦涛同志提出的社会主义荣辱观有着深厚的历史渊源。中华民族在长达数千年的历史发展中，形成了源远流长的优良道德传统，内涵丰富，博大精深，是中华民族生命机体中不可分割的组成部分，是人类文明发展的重要精神财富。她主要包括：

一、中国传统道德的发展演化中，公私之辩始终是一条主线。“公义胜私欲”是中国传统道德的根本要求。两千多年前的《诗经》中指出：“夙夜在公”。认为日夜为公家做事，是一种高尚的道德品质。《尚书》也有：“以公灭私，民其允怀”的思想，认为国家官员应当以公心灭除自己的私欲，这样就可以得到百姓的信任和依附。西汉贾谊在他的《治安策》中提出：“国而忘家，公而忘私”。宋代的范仲淹提出：“先天下之忧而忧，后天下之乐而乐”，都显示了强烈的为国家、为民族、为整体而奉献的精神。从国史、族谱、家谱的记载中都发现过许多爱国、爱民、爱民族为社会舍小家顾大家的杰出人物。

二、中国传统伦理思想一直尊重人的尊严和价值，崇尚“仁爱”原则，主张“仁者爱人”，强调“推己及人”。孔子说：“己所不欲，勿施于人”、“己欲立而立人，己欲达而达人”。认为在人与人的相处中，应当设身处地先为对方考虑，以免别人受到伤害；我希望达到的事情也要允许和帮助别人能够达成。我国古人主张“和为贵”，提出了“亲仁善邻，国之宝也”的思想。强调社会和谐，讲求和睦相处，倡导团结互助，追求天人和谐、人际和谐、身心和谐。

三、中国自古就有“礼仪之邦”的美誉。谦敬礼让是中华民族优良的道德传统。谦即自谦，虚己处己；敬即敬人，礼以待人。中国传统道德认为，礼是人与动物相区别的标志。“凡人之所以为人者，礼义也”。孔子说：“不学礼，无以立”。中国传统道德在提倡谦敬礼让的同时，提倡“事思敬”、“不居功”、“择善而从”。

四、道德的根本还在于言行一致，恪守诚信。诚是一种真实无妄、表里如一的品格，故“养心莫善于诚”。信是指一种诚实不欺，遵守诺言的品格。诚信的内容是多方面的，但最基本的是“以诚为本，取信于人”。诚信之德在于言必信，行必果，言行一致，表里如一，讲究信用，遵守诺言。

“以铜为镜，可正衣冠。以史为镜，可知兴衰。以人为镜，可明得失”。锦涛同志关于社会主义荣辱观的论述，是对中华民族自古以来优良的道德传统所做的高度概括、总结和提升。不仅面对全社会，更应作为我胡氏族人的族规、家训。我族的长辈们要以身作则，要引导、教育各自的子孙辈永远准确把握“八荣八耻”的基本要求、真学、真知、真用、知荣明耻。以我族人的实际行动做“国民表率”，切实与贯彻落实科学发展观，以人为本，构建社会主义和谐社会，实现中华民族的伟大复兴结合起来，“振兴中华，从我做起”，作出各自努力，再现我们胡氏族人的辉煌。

余才疏学浅，本无力与族人共勦八修谱事，然族命难违，只好勉为其难。初拟八修之时，恰逢锦涛同志向全国各族人民大众提出树立社会主义荣辱观的论述，真是千载难逢，族人盛事。在八修告竣，作序之前考虑再三，还是避其历修谱序之俗套，重学“八荣八耻”，并将心得体会述出与族人共勉。是为序。

万二龙目份胡氏宗谱八修编委会
公元二零零八年岁次戊子季秋月 谷诞
裔孙应星字剑英 拜撰

华林族谱序

予尝仰观乾象北辰为中天之枢，而二垣九曜旋绕归向，譬犹君之尊而无敢不拱焉。俯察地理，坤为华夏之镇，而五荒八表逶延顾盼，譬犹祖之亲而无敢不本焉，此君亲一理，忠孝一道，忘之者谓之逆，遗之者谓之弃，慢之者谓之褻，无将之戒莫大於不忠，五刑之属莫大於不孝，为人臣者所当鞠躬尽瘁，为人后者所当慎终追远而不可一毫或忽也，今阅胡氏谱牒，上溯姓源之始，下迨继世之宗，明昭穆以尚祖也，系所生尚嫡也，序长幼以尚齿也，列象赞以尚思也，非大孝大忠者而能之乎，噫，世之去，祖未远，问其自而懵然者，愧於胡氏多矣。

龙图阁侍制新安朱文公序并书

华林书院记

士君子承积善之庆，服圣人之道，治心修身义之本也。风行於家德之充也，教被於后仁之周也，豫章属邑世家旧里，山水灵秀，所钟安定，胡君占籍，於是君讳仲尧字光甫，累世儒学蝉联，簪绂圣门标准焕列宿之，华祖德韬光戢少微之曜，至於先人少好左氏春秋之学，研机索隐儒者宗焉，及君之长克扬其业言斯出矣，身则行之揖让，周旋之仪孝友，姻睦之行修於闺门之内，型於郡邑之间，少长有礼總麻同黻，乡党率义人无间然，即上古之风可以驯致六籍之，旨可以化成也，君乃於别墅华林之阳元秀峰下，构书堂焉筑室百区，聚书万卷，子弟及四方游艺不下数百辈，岁时讨论讲席无绝，又以学者当存神闲旷之地，游目清虚之境，然后粹和内充，道德来应，列植松竹涌泉清流环绕於其间，虚亭高阁鼎峙於其上，泽处者无数，游者忘归，兰亭石室不能加也，又按图经云昔陶安公李八伯皆修道於此，是知人境相得其道，乃光勤而行之今犹古也，铉钦美其事道阻且跻，故述斯文以垂不朽云。

时

太平兴国银青光禄大夫散骑常侍上柱国公徐铉撰
至道二年 秘书丞直史馆高绅书

远祖辑略

粤稽我族自周武王封满於陈，谥胡公，子孙因以谥为姓，是为族氏始满公，长子讳犀字申公，袭封於成王至汉，安帝时生广字伯始，历仕六朝九传而生藩，为刘宋太子左卫将军，后有食邑南昌奉新之华林者遂家华林，谥壮侯，自藩历二十三世生清猷，猷生馘字汤老小字魁，生於唐僖宗乾符元年乙未二月十五日寅时，登天佑四年丁卯进士第，初授国子监转仕至侍御史，配耿氏赠徐国夫人，馘葬九皋山午向，夫人葬本山戌向，生子五：珰、瑜、琮、珪、球，珰为膳部员外，生令贇任周潭州都督，仍居华林，琮为常州刺史生，琮任奉礼居毗陵，珪为江州散骑常侍，生性任望江令，居九江高邮煦山迁英山县大畈，球为散骑将军，生聘任四门助教，居武陵，瑜为陈留令，迁建甯，生令仪登进士第，仕至转运使，传至睿深周显德间任衡州刺史，道经期塘爱其山水遂家期塘，七传而生仲尧，聚族八百余口，大建庠塾，广育群英，由是闻於朝，降诏旌表，后生值儒登绍圣第，擢御史授江浙湖淮转运使，入为户侍工部尚书，赐金紫光禄大夫兵部尚书，加封开国公，食邑千户，上赐纨扇而题曰：人物多师古，朝廷半老儒，给御笔砚加赠端明殿大学士开国公，赐本邑白米租田八百担，养其天年，后五世生熊，熊生宗文、宗岳、岳原籍期塘，后析居瓦屑坝，生静辅、静轩，辅生文昌，迁英山；轩登进士第任河南参议解任迁蕲州遂家大孚冲，封谏议大夫，父封如官，子荫文林郎，卒谥文肃，娶田氏，生文德；荫授文林郎，娶马氏，生万一、万二、万三，杨山一支与我龙目冲一支皆万二公之后裔也。

光绪二十二年岁在丙申

东沙祖志

公庠名廷用，字东沙，由嘉靖戊午岁荐出，身任江南萧县教谕，寻署县事县苦蠹吏，积弊多端，公莅职时矢公矢慎，革火耗，惩贪渔，葺学宫，建义仓，凡利於民者无弗举，有害於民者罔弗剔，彼都人士诵其功德，勒石志之，因集德政实积数千言用垂不朽，更可述者，公孩提时有一相士之指曰：此台阁器也，熟视久之，又以岁进士许其文章事业不居人后，一时闻者奇之，及公甫弱冠即以文行显服官之日，本夙成之忠孝著当代之功名，出而弦歌式化，入而尊养承欢，所谓望云兴孝，瞻阙思忠真，下不负所学，上不负朝廷设官之分也，内迁翰林院待诏未仕，卒，著有文试稿若干卷，林土云集及西窗偶语若干卷，藏板明末遂失焉，时有会元，萧良友赠之诗曰：为问胡安定，门墙近若何，芝兰亲教易，或朴作人多，泮水池边碧，春风座上和，来年秋色好，远听鹿鸣歌。生丈夫子七，俱补博士弟子员，享寿七十有九，岂非积德累仁所以致食报於无既耶，今并志之，以示后云。

时

康熙三十三年岁在甲戌仲夏月 谷旦

梅轩居士佛藏序

居士胡姓士鼎者，字调元，号梅轩，先朝开国时祖人从江右迁齐昌大同之龙目冲，爰居、爰处，子姓蕃兴历数传，父伯仁，母氏舒，於崇禎癸酉年三月初七日子时诞，我居士配氏熊，古蔡名家女也，生於正月初四日午时，举六子一女，长世铎，次遴，次恪，次学，次恩，次禄，咸为声气中人也，女适范，著贤淑誉，今绕膝孙现六人：让、谦、赞、诵、识、淳，诚国器之选也，然而方兴其可量乎，独计居士童时流氛肆虐，随父避於山庵，庵焚，老幼百余人皆厄，此贼逆之不欲遗一焦类也，惟我居士恍如人捧双足跃出数丈坠陡崖，石莫能损其皮毛，又岁春涨波溺推去数里而彼岸忽登，水莫伤其腹，他如此异亦不胜记忆，兹识一二，已知天之默相神之护佑，在居士为倍笃焉矣，且居士於此时已怀一畴，大报神之志，曰：我异日倘恢先业而光大之，建祠立寺以绵福祀於不匮，第有其志必有其事，及时革风平，居士以飘然远祸之身斩蓬蒿而旋井里，理旧业置新腴，知其本宅来山气壮壤结基宽，若屋不称基则气弗我聚，因廓之於老宅之前填池磊塹，改水移门，层檐莫罄，方见此山之气骨丰峻，乔木森匕，而一时琳琅杰出，气宇峥嵘，非居士曷克臻此，夫居之左竖问梅轩之，别业居之右，建关夫子之精蓝，凡杰阁天畦，市乡星布，居士每经营不倦，於课督之余夜

登中阁听别业之书声朗朗，精蓝之钟韵幽幽，殊觉神清心化久坐而忘寐，信夫山中衲子朝中宰相，自揣虽无宰相名位，或有衲子之前身，所以晚年尊敬佛氏呵获僧门，拜皈石牛霜松法伯和尚与余道交方外，诚有难兄难弟之关切，尝语余曰：梵刹之建志久图之，惜未获一净壤耳，爰卜龙潭第九之更深处，三叠水口重环，山面中结，梵壤可为精舍以作酬神，暨老来与僧共修净业之场，因建梵宇三进，曰元善寺，梵像数尊，曰瞿昙，曰大悲，曰地藏，曰弥勒，曰达摩，曰关帝，曰韦驮，曰伽蓝，拟竣佛功，约予履山窥相已定秋月仲时，热余未息，予携山童偕居士短衣拽杖密甜心山阴，入其卢神疲骨倦，士索叙言於予入佛脏中，使后裔见之知祖人之行藏，化凡胎之气质，以此功德用垂不朽耳，予出世云峰开山水镜阅三十年往来亲密，知居士方正为人，斧削应世，举一念神鬼点首，发一言老幼膺服，且入火不燃入水不溺是凡胎之物耶，因知人之真知事之详，故不辞笔涩，述居士概略入佛腹中，以生平之颠末为远代规模，倘有易佛之士不得以我居士之肠肝与我瞿昙之脏腹一齐换却

康熙三十二年岁次癸酉中秋前四日

佛弟子石湖水镜源灌题

士鼎公二十一世裔孙六修重录

燕子岩碑志铭

昔祖先十人公存大小燕子岩山场二所，山中老亩田一担五斗，计课三十石，后又开垦田计亩两石八斗前后共课八十六石，基址俱有，共商请僧慧明附其耕种管蓄，并助资费创立庙宇迨中孚乏嗣九股承顶。调公乐率重修，僧见性为之葺理不怠，因之寺舍日新，僧继繁盛，其大燕子崖界上齐陈人山分水为界，下齐陈人山为界，左齐孙人山分水为界，右齐陈人山分水为界，小燕子崖界在内其米亩计正二斗七升，已经照九股分派各入私柱，僧每年将钱粮七五钱银八钱在九股房长名下照次轮流交纳永为定例，但恐代远年湮支分派浩，住持更换不无溷争，兹敬以十股来历入股建造，完粮情由付僧开创始末，谨勒之碑永垂不朽，谨将诸先尊名刊后。

胡公孔征、何所、新所、明所、尔佳、尔玉、怀德、调元、绥来、中孚，承首裔孙：崇诰、心在

乾隆十八年八月初二日九股 裔孙连器敬书

每年冬月初一日九股首人入寺敬香，寺僧备酒，一席一宿三餐永为定例，但恐世远年湮，住持更换，前议顿改，今附谱牒以示永垂不朽。后於同治元年新所绥来二公支下，各拨半股与士寄公支下承顶，一股新绥二公支下各实承半股，碑梁未换以谱注昭示来兹。

宗宪公弃武就文呈

为垦破成见施恩格外事，从来一成勿毁者古今拘方之论，而因材造就者圣贤乐育之心，宪幸逢盛世叨中乡魁念，昔先人登有明进士者三人，列兴朝贤书者十余人，猥不自量，妄希进取，虽七次困於公车此志未尝少懈，生子有三，次子学弓马不善属文，三子以疾废其涉猎，五经习举子业克绍先人，而与当世功名士相角逐者，独长子名自超者，是望客岁大宗师驾临黄府，宪先期北上不获恭迎，次子伴行未与试，长子自超文试未售，同学少年辈劝顶次子廷佐名，复入武场，蒙恩超拔遂获第一，夫顶名已犯公令，子实有罪宪坐不知，宪之罪责宜蒙察恕，后宪归阅长子文武两试卷一售一不售，不爽毫末，始信大宗师之明照三楚真千古第一巨眼也，生成之恩如同再造，感激又何足言，但自超神清气弱志大躯微，手不能挽弓身不善骑马，迂腐藐质，列在武途欲求寸进实万万不能。语曰：画地自限此之谓也。故自蒙恩后渐甘放废。忽忽如丧，转以柳郁致疾。宪日夜忧虑大惧终身无望，先世斯文一线为之中斩。虽盛朝文武并重未尝区分，然兼擅之才世不多有，大宗师固尽己性尽人物之性者，譬之牛耕马驰各不相强，强之终必僨事，闻之武入文场一次新例久悬中外，而稽之各省获中者卒少其人，时人有言曰：尔何虑来年不岁试，定除名夫。此事宪非不知，但以大宗师如是之恩而待他人黜之，既负洪恩反伤至明，况廷佐年已二十有七，必待他年而后已，已而复应童试，则岁月易逝，盛年难再，不亦悲乎。昔韩愈上书有云：虽不敢当诗人，孟子之谓：长育之使成材其亦可矣。教育之使成材其亦可矣。又曰：人各有能有不能，若此者非愈之所能也。抑而行之必发狂疾，又曰：其哀之命也，其不哀之亦命也。知其在命，而且鸣号之者亦命也。宪每读诸篇辄掩卷三叹。谓若韩愈者有不为阁下大人所见怜者乎。宪今者冒死一言，文固不敢上拟韩愈，然而右哀之情则一也。伏乞

大宗师大破成见，笃物因材，念宪先世科名之一脉察宪万不获己之愚，哀俯赐看，验以征实，宪言早赏斥革，以便应童试，岂但宪父子焚顶，宪之先人亦衔结地下矣。

胡府创续修宗谱叙

古者重氏族史官纪之胡周小史定世不辨昭穆有世本录而无所谓谱盖即所以敦宗也三代以来天子建德因生赐姓胙土而命之氏诸侯以字为氏以谥为族公卿大夫官有世功则有官族邑亦如之凡以明宗而辨族之义即寓焉自秦燔而后公侯子孙失其本系而宗法废史迁约世本修史记列世家后世之人乃知姓氏之所出相传于亿万后世而勿替此则保续双荣修宗谱之至意愿他日子子孙孙守之敬之继其志述其事不惟祖宗之幸亦阖族之幸也

中华民国十三年岁次甲子巧月穀旦
第九世裔孙双保双荣双全薰沐敬所撰

胡氏绪修宗谱序

谱也者谱也以言乎纪载之普偏也家之有谱犹国之有史所以纪一朝之政治谱所以考历代之世系也敬谱牒不明将源流无由而稽昭穆无由而别尊卑无由而别亲疏无由而分庆弔无由而通里居无由而考虽曰瓜瓞绵绵其何以寓聊属维持之意乎生人之道于是乎大坏吾见此懼故汲汲于斯谱续而修之也按自族誌胡本胡公满之后封于陈为周陶正以谥为姓而庆泽延长者以新蔡洛阳为最盛他如汉有安公聚徒教于白鹿山司马相如尝从之授经则为临邛派也三国有昭公武帝徽之不起隐于陆浑山中则为颍川派也晋有伯武公父子俱以清慎闻为淮南派也南北朝有国珍公授帝经侍直禁中则为临涇派也至于唐宋之间英才特出代有名入号为香山九老者有杲公自茗溪渔隐者有仔公或呼为长仙或自为佳士又有惠起公与朝颖公此皆历历可考焉其余或出此人或出彼人此殆如断丝散绳诚不可以头绪计也惟是各望其地各宗其谱虽咫尺之近而有秦越之分他不备载是也的派言之始有丰城迁于蕪州者宗岳公也继由蕪州迁于光州者文昌公也张立由光州迁于皋西何隆集者大朝公也自大朝公以下之列祖类以务农为业家虽各有墨谱每欲修之而未果迨至先父正贵公遂慨然以谱事为已任尝语人曰物本乎天人本乎祖人忘乎祖何以为人故于光绪十七年春季邀集阖族赞襄其事或采辑于他方或咨詢于故老非吾族虽富贵不敢入是吾族虽贫贱不敢遗参考互证不憚劳烦数月间果成宗谱四部分元亨利贞为字号散给各房珍页藏之乃日往月来光阴荏苒至今日回忆先父创修之期又相隔卅余年矣试思卅余年之中其生娶歿葬兴败迁徙不知凡易若不重加考订得毋有遗失之患乎幸阖族之人共有此美意而未宣也故一呼百应无不乐于赞成由是各房将世系清查昔阙而今补之昔略而今详之抄成卷轴以付剞劂自夏徂秋复灿然大备矣俾后人展卷阅之支派分明履历精细遂按谱而溯之曰某为得姓之祖某为迁移之祖某为分支之祖某为的派之祖而且某庄某地为某祖之家室也某山某向为某祖之坟墓也以及德行文艺事业功名嘉言遗训莫不备载了如指掌绳其祖武貽厥孙谋使吾族各有水源木本之思以起春露秋霜之感庶世笃宗盟得章间加校对已耳所谓尊祖故敬宗敬宗故收族所合修族众俱源清流洁所谓星漏者补入也何幸如之若所载文传序赞半属亲友所谓赠其雅切实事者则为亲友之功所有颠倒文字者则余二人之过世系纷繁未必有条而不紊荣未能辞其责而专司固各房有其人也荣族虽散处四方冀日新月盛而人崇忠厚岂无孝子慈孙嗣后二十年或三十年更有子孙接踵继起者又何难步其后尘也以余等之劳其筋骨苦其心志补其缺略是亦吾之厚望也夫是以为序

中华民十三年岁次甲子巧月穀旦
第九世裔孙双荣薰沐敬撰

胡氏续修宗谱序

家之有乘犹国之有鸣也史则编年纪月纪事纪言乘则报本追远序昭序穆而必重于世系者所以别尊卑后人知祖宗为何人为何讳起于何处迁于何处并使知后人知某某为某公支下裔知某某为某公房下故虽支分派别瓜瓞椒繁一翻阅间罔不可以备悉也说者曰载以传赞者何所以旌有德也载以坟图者何所以誌坟宿也且载以圣谕广训家规家训与夫名贤箴语者何所以告诫来兹耳要知不外佑启后人者也近是欲勿创修于始而未能欲勿续修于后而不忍是岁与族众兄弟姪等辈倡议修谱一举幸尊卑老幼皆乐附其事公举荣领文总理世系凡家规凡例及传赞悉遵旧降至隋唐遂有簿状谱系之称官之选举由簿状家之婚姻由谱系必通儒而核覈而后置今史掌之官为考订藏诸秘阁若私出有滥则纠之官籍官籍不及则稽之私出传曰保姓受氏以守宗祊此其遗意焉故赵宋以来人尚谱系之学家藏谱系之出虽亿姓兆民亦得家自为谱以明敦宗睦族之义甚矣谱之所系甚钜修之诂可缓乎哉虽然难言之矣家之有乘犹国之有史也苟非矢慎矢勤如春秋纲目之传信则不克而后世法守国史然而家乘何莫不然且作于继起者易作于创始者难既肇造于前复釐正于后而创而兼继为尤难继起得以缘文承义序其昭穆辨其等杀明其世次不过述前人之志以似续于不坠已耳而创始者则木本水源考其端委支分派别悉其源流上自祖祢下逮云初必缕晰條分了然在目而后且一姓中星罗棋布齿育蕃滋官迹隐沦迁移莫定兼之时代数更世系燹灭典籍无徵咨询鲜据则必无所阙为有代而又必为之极意参稽广加访辑或考诸之作也固不易言也而作之创而兼继其人尤为不易也即今亲家翁胡君篆双荣先生其庶几乎胡君居六安霍邑苏木地湾多历年所始之谱牒原自秩然及明季兵燹散佚无存于是偕其族众创续修之举问叙于予予自惭愧其生也晚诗书浅读何敢妄渎幸而古有安定郡衍公系虎贲中郎将以及唐宋元明济济多士代有伟人载在史册昭然可考虽数百年散处四方不乏族众祖若宗之渊源子若孙之流派稽古氏族已胪列详明即稍有阙遗令复细为补正之所谓毫发无遗憾者亦无容予赘言俱以是举也为天下后世为人子孙者所当然亦知为人子孙者所同然然而予之亲家胡君荣翁步趋于前子若孙步其后尘赞襄其事竭尽心力殫厥劬勤不底于尽善而不已俾后之览者得见某也宗某也裔上而徵诸史册群知受姓之由若者亲若者疏下而传之孙曾皆识同根之义百世而下形虽涣而谊相联居虽远而情相属凡族中无论智者贤者愚不肖者皆得率彝训之同明人伦与孝弟宗由此敦族由此睦不皆领修同人之不匮者欤予故乐誌之而为之序以赠之云耳

中华民国十三年岁次甲子巧月穀旦
愚岁谊程敬宗恭赠俚句